

Վրաստանի ֆինանսների նախարարության ղեկավարի խոսքերով, հաշվետու ժամանակահատվածում կրկնապատկվել է սոցիալապես անպաշտպան բնակչությանը ցուցաբերվող օգնությունը: Սոցիալապես անպաշտպան ընտանիքի մի անդամի համար նախկին 30 լարիի փոխարեն, տրվում է 60 լարիի նպաստ, իսկ մյուս անդամների համար ընդհանուր 24-ի փոխարեն՝ 48 լարի: Մինչեւ 45 լարիի է հասցվել փախստականների եւ բռնազաղթված անձանց նպաստը:

«Ավելացել է ուսուցիչների աշխատավարձը, տասնյակ միլիոն լարի է հատկացվել դպրոցների շինարարության-վերանորոգման համար: Հանրային դպրոցների բոլոր աշակերտները ապահովված են դասագրքերով, իսկ այն աշակերտների համար, ովքեր ապրում են դպրոցներից հեռու, գործում են դպրոցական ավտոբուսներ: Լրացուցիչ ռեսուրսներ հատկացվեցին ուսանողների ուսուցման, մասնագիտական կրթության եւ գիտական ծրագրերի ֆինանսավորման համար», - հայտարարեց նախարարը:

Ինչ վերաբերում է բյուջեին, ապա 2014 թվականին բյուջեի եկամտային մասը կգերազանցվի, իսկ ծախսերի մասը կկատարվի մոտ 100 տոկոսով», - հայտարարեց Նոդար Խաղուրին:

Նրա խոսքերով, լարիի կուրսի վրա ազդում են շատ գործոններ, թեպետ բյուջեն դրանց թվին չի պատկանում: «Լարիի կուրսի վրա ազդում են ներքին ու արտաքին շատ գործոններ: Շատ են ներքին գործոնները եւ առաջին հերթին խոսում են բյուջետային մեծ ծախսերի մասին: Նշեմ, որ մենք ծախսում ենք այնքան, որքան ստանում ենք՝ հարկերի տեսքով էկոնոմիկայից: Բյուջեն երբեք չի ազդում շրջանառության մեջ գտնվող դրամի քանակության վրա», - հայտարարեց ֆինանսների նախարարը: Նախարարի հավաստմամբ, Վրաստանում դրամական քաղաքականությունն իրականացնում է ազգային բանկը, որը անկախ է, ուստի եւ գործադիր իշխանության կողմից ազգային բանկի աշխատանքի հանրային գնահատումը սխալ է: Նողար Խաղորու խոսքերով, խուճապը այն նշանակալի գործոններից մեկն է, որ խիստ բացասական ազդեցություն կարող է գործել լարիի փոխանակման կուրսի վրա: «Խուճապի համար հիմքեր չկան: Ազգային բանկը ունի պահուստներ, որպեսզի կարողանա ազդեցություն գործել գործընթացի վրա: Մակրոտնտեսական ոչ մի պարամետր թույլ չի տալիս ենթադրել, որ լարիի կուրսի անկումը կշարունակվի», - հայտարարեց Նողար Խաղորին:

ԾԱՌԱՅՈՒԹՅԱՆ ԴԱՏԱՎՈՐՈՒԹՅԱՆ ԿԱԶՄԻ ՆԱԽԱՐԱՐԱՐԵԳ ՆՈՂԱՐ ԽԱՊՈՐԻՆ